

ESKU-IDAZKIAK

XI GORAPEN-ABESTIA

<sup>4b</sup> Eskerrak emoten dautsudaz, Jauna,  
nire arimea erropuzkeri-batzalditik  
eta indarkeriaren bazkunik atara zendualako.  
Zeure batzarrean sartu nenduzun eta ez errudun-  
izatean.

<sup>6</sup> Euren biurrikerietatik biurtzen diranentzat  
eta pekatua bertan-bere izten dabenentzat  
itxaropena egoala jakin neban,

<sup>7</sup> dongakeria bagarik zeure biotzeko bide-zido-  
rretan dabizenentzat.  
Adoretu egingo naz erriaren mormoxetaz eta aalt-  
suen zarraparraz  
neure aurka alkartu daitezanean;

<sup>8</sup> izan be, ondo dakit jaso egingo dozuzana  
bizirik geratutako zure errikoak,  
baita zure oiñordetzako ondakiñak be;  
garbitu egingo dozuz, erru bagarik bizi daitezana.

<sup>9</sup> Zure egiaren eta biotz onaren egintzak  
arekanako zeure jokabidea argituko dabe.  
Erruki neurribageaz eta parkamen ugariaz  
zeure itzaren ezaguerara eroango dozuz.

<sup>10</sup> Zure egiaren zuzenbidearen eraz,  
zeure aintzaren batzarrean jarriko dozuz.  
Zeure maitasunagaitik egin dozu guzti au,  
zeure maitasuna goratzeko ta zabaltzeko  
zure batzarreko gizon guztien artean,  
Adan'en semeen erdian;  
gizaldi betikoai zeure miragarriak, azaltzeko,

zeure egintza amaibageak ausnartzen dodaz.  
Atzerri guztiak ezagutuko dabe zure egia,  
erri guztiak zure aintza:  
zure ezaguera ta diztira

<sup>13</sup> gizon guztien erdian isuri dozulako.  
Ez da izango bitartekorik geiago zure batzarreko gi-  
zonen artean.  
Aingeruakaz batera egongo dira zure aurrean.

<sup>14</sup> [...] Ernamin betiko bat. Ortxe aziko da «ki-  
mua»  
landaratza betikoaren ostrailarentzat  
eta bere gerizea [hur] guztiaren gaiñera zabalduko  
dau.

<sup>16</sup> Aren zusterak lezako sakonetaraiño zabaldu-  
ko dira, Eden'go ibaietaraiño [...]  
aren frutuak [uzta] ugaria izango dira [...].

<sup>17</sup> [...] Mundu guztian zabalduko da muga бага-  
rik Sheol'eraiño  
Argi-iturria iturburu betiko, amai bagako, biurtuko  
da.  
Aren garretan [gaiztakeri guztiak] ezereztuko dira.  
Gizon guztiak ondatu arte  
iruntsiten dauzan sua lez izango dira.

<sup>19</sup> Nire Alkartasunari lotuta gero  
lillurakerian galdu daitezanak  
ez dira kontutan artuak izango zuzentasunean.

<sup>20</sup> Zuk, ene Jainko orrek,  
irabaziak  
arein bide-zidorretik kanpo lortzeko agindu zeutsen,  
erdainbagea ta dongea ta [gizon] zakarra ibiltan ez  
dan tokian.

<sup>21</sup> Okertu egin ziran zure biotzeko bidetik,  
ondamendiak artuta [jausi ziran].

<sup>22</sup> Belial'en onulari lez dago arein biotza [...]  
dongakeri [bazkunean], erruan batuta.  
Ni, barriz, itsaso suminduari [bertan-beera itzitako]  
ontzian.

<sup>23</sup> Aren olatuak eta itsas-gorabeerak neure aurka  
joten eben;  
ondapen-aizeak [astintzen nenduan],  
urdurituta [nenbillen], noraezean.  
Ez zan ni nasaitzeko aizekirrik,

<sup>24</sup> eta itsas-gaiñean  
nire bideari jarraitzeko bide-zidorrik be.  
Lezeak nire larriaren oiartzuna barrizten eban.  
Eriotzako ateetaraiño eldu nintzan.

<sup>25</sup> Arresidun urian sartu  
eta, askatasuna jadetsi arte [...],  
esi garai baten barruan gordeten dana lez izan nint-  
zan.  
Zeure egiari soillik [orutzen dautsat], ene Jainkoa;

<sup>26</sup> izan be, arkaitz-gaiñean ondopea  
eta egitamua sendo, plomatuta,  
zuzentasuna lez eta osoro dendunetan  
ezarten dauana Zeu zara.  
Arri aukeratuak ezarri zenduzan etxekuntza oso  
sendorako:

<sup>27</sup> ez dautse dardakadai bildurrik  
eta aregan babesten diranai ziurtasuna emoten daut-  
se.  
Ez da areriorik aregan sartu aal izango.  
Aren ateak aterdi oso gogorrek daukez:

<sup>28</sup> zabaldu-eziñak izango dira,  
ezin ausi izango diran katez lotuta.  
Ezin sartu aal izango dira an ondatzaille-aldrak,  
euren guda-iskillo aaltsuak ekarriarren be.  
Bestetara bai: dongak gudarako darabillezan  
ezpata guztiak ondatuak izango dira.

Aldi orretan Jaungoikoaren ezpateak  
aurreratu egingo dau auzirako aukeratutako eguna,  
eta Aren seme guztiak  
dongakeria garbitzeko jagiko dira.

<sup>30</sup> Erru-seme guztiak ezereztu egingo dira.  
Ez dira aurrerantzean izango [...].  
Gizon arrigarriak bere gezi-uztaiari eragingo dautso  
eta eten egingo dau inguratzea;

<sup>31</sup> onek ez dau betiko iraungo [...].  
Ate betikoetatik guda-iskilloak urten  
eta lurreko ertz batetik bestera joango dira [...].

<sup>32</sup> [Ondapena] sen errudunarentzat.  
Zapaldua izango da [...]  
triskantzaraiño. Ez da aren ondakiñik geratuko.  
Ez dago itxaropenik aren talde ugariarentzat,

<sup>33</sup> ezta gordelekurik be aren guda-mutillentzat,  
[garaipena] Alkertasuneko Jaungoikoarena da-ta.

<sup>34</sup> Autsetan datzazanak zut-oiala jasoko dabe,  
eta arrak jandako (gizon) ilkorrak jagi egingo dira.  
Bhurriak triskatuak izango dira gudaketetan,

<sup>35</sup> eta zigor ondatzaillea zarterazoten ebenak ez  
dira gazteluan sartuko.

<sup>36</sup> Eziña [izango yake] ormatzarretik igarotea,  
baita soin-burdiña auste be.